

PETIKAN PEMAHAMAN 2

A. Baca petikan di bawah. Kemudian, bulatkan jawapan yang betul.

Sarah tinggal di Taman Permai. Pada hari Ahad yang lalu, Sarah dan keluarganya telah bergotong-royong membersihkan halaman rumah mereka.

Ayah Sarah memotong rumput manakala abang Sarah menyapu daun-daun kering. Kakak Sarah yang bernama Sulli menyiram pokok bunga. Sarah dan adiknya, Sally pula mencuci longkang dan mengelap tingkap. Datuk Sarah sudah tua, dia hanya berehat di kerusi.

Setelah siap mengemas ruang tamu, ibu dan nenek menyediakan makanan yang sedap untuk mereka. Mereka berasa sungguh gembira kerana halaman rumah mereka menjadi bersih, kemas dan cantik.

B. Soalan berdasarkan petikan :

1. Di manakah Sarah tinggal?

- A. Taman Permai
- B. Taman Aman
- C. Taman Sentosa

2. Bilakah mereka bergotong royong membersihkan halaman rumah?

- A. Pada hari Ahad yang lalu
- B. Pada hari Sabtu yang lalu
- C. Pada hari Selasa yang lalu

3. Siapakah yang berehat di kerusi?

- A. Nenek
- B. Datuk
- C. Ibu

4. Apakah yang dilakukan oleh Sarah dan Sally?

- A. Memotong rumput dan menyapu daun-daun kering
- B. Menyiram bunga dan memotong rumput
- C. Mencuci longkang dan mengelap tingkap

5. Mengapakah mereka berasa gembira?

- A. Kerana halaman rumah mereka kotor
- B. Kerana halaman rumah mereka besar
- C. Kerana halaman rumah mereka bersih, kemas dan cantik